

破  
邪  
論



四百七十三  
既一

51340




元祿九年丙子二月日重脩

皇圖鞏固 帝階綴昌

佛日增輝 懋輪崇轉

山城州天安寺法金剛院置



破邪論卷上

琳法師撰

襄陽法琳法師集序

虞秘書製

若夫神妙無方非籌筭能測至理凝邈豈繩  
 準所知實乃常道無言有崖斯絕安可憑諸  
 天縱窺其窅冥者乎至於五門六度之源半  
 字一乘之教九流百氏之目三洞四檢之文  
 苟可以經緯闡其圖詎可以心力到其境者  
 英猷茂實代有之焉法琳法師者俗姓陳穎  
 川人晉司空羣之後也自梁及陳世傳纓冕  
 爰祖及伯累業儒宗法師少學三論名聞朝

既



野長該衆典聲振殊俗威儀肅穆分節淹通  
留連清翰發擿微隱比地方春蔽用顯仁之  
量如愚若訥外闇內明之功固能智周測海  
道亞弥天豈止操類山濤神侔庾亮而已尔  
其文情乃典而不野麗而有則猶八音之並  
奏等五色以相宣道行則納正見於三空極  
羣迷於八苦既學博而心下亦守卑而調高  
實釋種之梁棟蓋人倫之羽儀者矣加以賑  
乏扶危先人後己重風光之拂照林牖愛山  
水之負帶煙霞願力是融晦迹肥遯以隋開  
皇之末隱於青溪山之鬼谷洞焉迴揜巖崖  
則蔽虧日月空飛戶牖則吐納風雲其間採

五芝而偃仰遊八禪而寢息餌松朮於溪澗  
披薜荔於山阿皆合掌歸依摩頂問道經行  
恬靜十有餘年然其疊嶂危岑長松巨壑野  
老之所棲盤古賢之所遊踐莫不身至目覩  
攀穴指歸仍撰青溪山記一卷見行於世太  
史令傳奕學業庸淺識慮非長乃穿鑿短篇  
憑陵正覺將恐震茲布鼓竊比雷門中庸之  
人頗成阻惑法師愍彼後昆又撰破邪論一  
卷雖知虞衛同奏表異者九成蠅驥並馳見  
竒者千里終須朱紫各色清濁分流呵以凡  
測聖之疊責以俗校真之各引文證理非道  
則儒典致深情指的周密莫不輟亂旗靡瓦

解冰銷入室有操矛之圖厥角無容頭之地  
於是傳寫不窮流布長世若披雲而見日同  
迷蹤而得道法師著述之性速而且理凡厥  
勒成多所遺逸今散採所得詩賦碑誌讚頌  
箴誠記傳啓論及三教系譜釋老宗源等合  
成三十卷法師與余情敦淡水義等金蘭雖  
服制異宜風期是篤輒以藤綆聯彼珪璋編  
爲次第其詞云介

上殿下破邪論啓

法琳啓緬尋三元五運之肇天皇人帝之興  
龜圖鳥策之文金版玉笥之典六衡九光之  
度百家萬卷之書莫不導人倫信義之風述

勛華周孔之教統其要也未達生死之源陳  
其理也不出有無之域豈若五分法身三明  
種智湛然常樂何變何遷邈矣真如非生非  
滅而能道資万有慈被百靈啓解脫彼岸之  
津開究竟無爲之府拔群生於見海之外救  
諸子於火宅之中但化隔葱河千有餘載教  
流漢土六百許年龕塔相望神人接踵所以  
道安登秦帝之輦僧會上吳主之車高坐法  
師能陳八正浮囿和上巧說五乘化洽九州  
福霑三世其爲利物此之謂歟有隋褫運駢  
馬生郊災起四竟毒流百姓慧燈旣隱法雨  
將收賴我大唐上應軋心下恊黎庶補天以

麗三象細地以安五嶽生民蒙再造之恩  
釋門荷中興之賜方欣六茲五帝四彼三皇  
反淳朴之風行無爲之化竊見傳奕所上誹  
毀之事在司旣不施行奕乃公然遠近流布  
人間酒席競爲戲談有累清風寔穢華俗長  
物邪見損國福田理不可也伏惟

殿下往藉三多久資十善赴蒼生之望膺大  
寶之期道叶隆平德光副后發游雷之響則  
塾戶俱開啓明離之暉則幽衢並鏡赫矣允  
矣難得名矣固以漢光重世周下永年復能  
降意福門迴情勝境津梁在念墻塹爲心伏  
願折邪見幢然正法炬像化被寄深幸茲乎

不任憤懣怒焉之志謹上破邪論一卷塵黷  
威嚴伏增悚息謹啓

武德五年正月二十七日上

破邪論卷上

沙門釋法琳

太史今朝散大夫臣傅奕上減省寺塔廢僧

尼事十有一條臣奕言臣聞羲農軒頊治合

李老之風彈曰詩云上以風化下下以風刺

今秘書官也本非天子有何虞夏湯姬政符

周孔之教彈曰周公孔子並是國臣上述虞

不得自為教主豈令虞夏雖可聖有先後道

德不別君有公革治術尚同竊聞八十老父

擊壤而歌十五少童鼓腹為樂耕能讓畔路  
不拾遺孝子承家忠臣滿國然國君有難則  
殉命以報讎彈曰既國並忠臣何得有難父  
母有痾則終身以側侍豈非曾參閔子之友  
庠序成林墨翟耿恭之儔相來羽翼彈曰二  
止一曾參漢高已前獨推閔子成林代  
之言無寡羽翼之奏本虛事太過矣乃有守

既破邪論卷上

道合德無欲無求

彈曰州巧叔段不能守道

寵辱若驚職叅朝伍

彈曰潘崇昇澆未肯若

荆山鼎上攀附昇龍緱氏壇邊相從駕鶴瑶

池王母之使具禮來朝碧海無夷之神周行

謁帝所以然者當此之時共遵李孔之教彈

黃帝昇龍蓋是三皇之世瑶池王母復是周

漢三王母復是周

謁帝所以然者當此之時共遵李孔之教曰

黃帝昇龍蓋是三皇之世瑶池王母復是周穆之時計此李老未出之前孔丘無名之目

不應反遵老而無胡佛故也佛亦不得有道

教却習孔書入夢傳毅對詔辯曰胡神

自漢明夜寢金人彈曰周世不來傳毅豈知有佛量已先來有佛

是傳氏得知先祖言佛汝反稱無五逆重殃

劫也後漢中原未之有信詞太過魏晉夷

虜信者一分汝既謗言夷虜華夏是誰符融

託佛齋而起逆逃竄江東呂光假征胡而叛

君跣立西土彈曰時人嫉融謗云結聚呂光

涼州亦不由降斯已後妖胡滋盛太半雜華

僧叛居西土摺紳門裏翻受禿

歲曰慈悲所熏出于末劫胡浪語歲曰摺紳

丁邪戒儒士學中倒說妖胡遵忍辱之

服儒士貴曲類哇歌聽之喪本臭同鮑肆過

者失香彈曰發汝哇聲揚汝鮑臭聽之必知

其辱斯兼復廣置伽藍壯麗非一箴曰造生

言信矣脫苦趣勞役工匠獨坐泥胡箴曰爭運身撞

之因華夏之鴻鍾集蕃僧之偽衆箴曰鳴百練之

聖動淳民之耳目索營私之貨賄箴曰感信

廢貪嫉之貨賄女工羅綺剪作淫祀之幡巧匠金銀

散雕舍利之塚箴曰女工羅綺造續命之塔杭

梁麵米橫設僧尼之會香油蠟燭在照胡神

之堂箴曰杭梁米麵爭陳福田之剝削民財

割截國貯朝廷貴臣曾不一悟良可痛哉日彈

朝廷稽古捨俗歸真伏惟

陛下定天門之開闔更新寶位通万物之連

否再育黔黎布李老無為之風而民自化執

自  
不  
牙  
言  
一

孔丘愛敬之禮而天下孝慈且佛之經教妄

說罪福箴曰原教所由示人斷軍民逃役剃

髮隱中不事二親專行十惡箴曰捨二親之恩愛修十善之

仁風忍其小歲月不除姦偽逾甚臣閱覽書

契爰自庖犧至於漢高二十九代四百餘君

但聞郊祀上帝彈曰真丘南郊不免殺生之

是非斷官吏民察未見寺堂銅像建社寧邦

請胡佛邪教退還天竺箴曰緣感則興事訖

隨凡是沙門放歸桑梓令逃課之黨普樂輸

租避役之曹恒忻効力勿度小禿長揖國家

彈曰昔嚴子陵不拜天子趙元叔長揖司空

違損處深理不可也典籍稱其美也况沙門是出世福田釋氏為自足忠臣宿衛宗廟則

大唐廓定作造化之主百姓無事為犧皇之

民彈曰造化之世人不能輸租犧皇之民鼓腹而卧聖明在上豈信崔皓姜斌之詞者乎

臣奕誠惶誠恐奏不實罪有所歸誣罔國家

終須伏劔豈謹上益國利民事十有一條如

左謹言國害民事不可也

武德四年四月二十日上

上秦王論啓

沙門法琳等啓琳聞情切者其聲必哀理正

者其言必直是以窮子念達其言勞人願訝

其事何者竊見大業末年天下喪亂二儀黜

黷四海沸騰波振塵飛丘焚原燎五馬絕浮

江之路七重有平壘之訶烽燧時警羽檄競

馳關塞多虞刁斗不息道消德亂運盡數窮  
轉輸寔繁頭會箕斂積屍如莽流血爲川人  
不聊生物亦勞止控告無所投骸莫從百姓  
苦其倒懸萬國困其無主豈曷法輪絕響正  
教凌夷聖上興弔俗之心順昊天之神爰舉  
義旗平一區宇當時道俗蒙賴華戎胥悅於  
是叶天地而通八風測陰陽而調四序和邦  
國叙人倫功蓋補天神侷立極降雲雨而生  
育開日月而照臨發之以聲明紀之以文物  
恩霑行葦施洽蟲魚方欲重述九疇再敷五  
教興石渠之學布庠序之風遠効軒羲近同  
文景功業永隆不知手之舞之足之蹈之者

矣竊見傅奕所上之事披覽未遍五內分崩  
尋讀始周六情破裂嗚呼邪言惑正魔辯逼  
真猶不足聞諸下愚況欲上干

天聽但奕職居時要物望所知何容不近人  
情無辜起惡然其文言淺陋事理不詳辱先  
王之典謨傷人倫之風範何者夫人有言言  
必有中夫子曰一言合理則天下歸之一事  
乖常則妻子背叛觀奕所上之事括其大都  
窮其始末乃罔冒闕庭處多毀辱聖人甚切  
如奕此意本欲因茲自媒苟求進達寔未能  
益國利民意是惑弄朝野然陛下應天順時  
握圖授籙赴萬國之心當一人之慶扶危救

世之力夷兇靜難之功固以威蓋前王聲高  
往帝爰復存心三寶留意福田預是出家之  
人莫不感戴天澤但由僧等不能遵奉戒行  
酬報國恩無識之徒非違造罪致令傳奕陳  
此惡言擗踊痛心投骸無地然僧尼有罪甘  
受極刑恨奕輕辱聖人言詞切害深恐邪見  
之者因此行非按春秋云魯莊公七年夏四  
月恒星不現夜明如日即佛生時之瑞應也  
然佛有真應二身權實兩智三明八解五眼  
六通神力不可思議法号心行處滅其道也  
運衆聖於泥洹其力也接下凡於苦海自後  
漢明帝永平三年夢見金人已來像教東流

靈瑞非一具在漢魏諸史姚石等書至如道  
安道昱之輩曷澄羅什之流並有高行深解  
當世名僧盡被君王識知貴勝崇重自五百  
餘年已來寺塔遍於九州僧尼溢於三輔並  
由時君敬信朝野歸心像教興行於今不絕  
者寔荷人王之力也世間君臣父子猶謂恩  
澤難酬昊天不報況佛是衆生出世慈父又  
爲凡聖良醫欲抑而挫之罪而辱之理不可  
得也仰尋如來智出有無豈三皇能測力包  
造化非二儀可方昔商太宰詒問孔丘曰夫  
子聖人歟孔子對曰丘博識強記非聖人也  
又問三王聖人歟對曰三王善用智勇聖非

丘所知又問五帝聖人歟對曰五帝善用仁  
信聖亦非丘所知又問三皇聖人歟對曰三  
皇善用時聖亦非丘所知太宰大駭曰然則  
孰爲聖人乎夫子動容有對曰西方之人有  
聖者焉不治而不亂不言而自信不化而自  
行蕩蕩乎民無能名焉若三王五帝必是大  
聖孔丘豈容隱而不說便有匿聖之憊以此  
校量推佛爲大聖也老子西昇經云吾師化  
遊天竺善入泥洹符子云老氏之師名釋迦  
文直就孔老經書師敬佛處文證不少豈奕  
一人所能謗讟昔公孫龍著堅白論罪三王  
非五帝至今讀之人猶切齒已爲前智不鑑良可

悲矣主上至聖欽明方欲放馬休牛軼閭封  
墓興皇王之風開釋老之化在簡之說尤可  
焚之若言帝王無佛則大治年長有佛則虐  
政祚促者按堯舜獨治不及子孫夏殷周秦  
王政數改蕭牆內起逆亂相尋自石今時無佛何  
因運短但琳預居堯世日用莫知在外見不

便事恐番國遠聞謂華夏無識夫子曰言滿  
天下無口過行滿天下無怨惡言之者欲使  
無罪聞之者足以自誠傅奕出言不遜聞者  
悉驚有穢國風特損華俗謹錄丹款冒以啓  
聞伏惟大王殿下天挺英靈自然岐嶷風神  
穎越器局含弘好善爲樂邁彼東平溫易是

歡更方西楚加以阿衡百揆式序六條德旣  
褰羅仁兼裂網開康莊之第坐荀卿之賓起  
脩竹之園醺文雅之客莫不詩極緣情而賦  
窮體物信可譽形朝野美貫前英者焉但琳  
等內顧闕如方圓寡用念傅奕下愚之甚媿  
凡僧禿丁之呵惡之極也罪莫大焉自尊盧  
赫胥已來天地開闢之後未有如奕之狂悖  
也不任斷骨痛心之至謹錄奕害事輒述鄙  
詞件荅如左塵黷威嚴伏增殞絕謹啓

武德四年九月十二日濟法寺沙門

釋法琳啓

奕云海內勤王者少樂私者多乃外事胡佛

內生邪見剪剃髮膚迴換衣服出臣子之門  
入僧尼之戶立謁王庭坐看膝下不忠不孝  
聚結連房且佛在西域言妖路遠捨親逐財  
畏壯慢老重富強而輕貧弱愛少美而賤耆年  
以幻惑而作藝能以矯誑而爲宗旨然佛爲  
一姓之家鬼也作鬼不兼他族豈可催驅生  
漢供給死胡賤此明珠貴彼魚目違離嚴父  
而敬他人何有跪十箇泥胡而爲鄉相置一  
盆殘飯得作帝王據佛邪說不近人情且佛  
滑稽大言不及拊孟奢侈造作罪深桀紂入  
家破家入國破國者 對曰夫出家者內辭  
親愛外捨官榮志求無上菩提願出生死苦

海所以棄朝宗之服披福田之衣行道以報  
四恩立德以資三友此其之大意也若言佛  
爲胡鬼僧是禿丁者按孔老經書漢魏已來  
內外史籍略引孔老師敬佛處文證如左以  
荅邪人冀其伏罪 道士法輪經言若見沙  
門思念無量願早出身以習佛真又云若見  
佛畱思念無量當願一切普入法門 太上  
清淨消魔寶真安志智慧本願本戒上品經  
四十九願云若見沙門當願一切明解法度  
得道如佛 老子昇玄經云天尊告道陵使  
往東方詣佛受法道士張陵別傳云陵在鵠  
鳴山中供養金像轉讀佛經昇玄經又云東

方如來遣善勝大士詣太上曰如來聞子爲  
張陵說法故遣我來看子語張陵曰卿隨我  
往詣佛所當令子得見所未見聞所未聞陵  
即禮大士隨往佛所 老子西昇經云吾師  
化遊天竺善入泥洹智慧觀身大戒經云道  
學當念極大梵流影宮禮佛 昇玄經云若  
有沙門欲來聽經觀齋供主不得計飲食費  
過截不聽當推置上座道士經師自在其下  
昇玄經又云道士設齋供若比丘來者可推  
爲上座好設供養道士經師自在其下若沙  
門尼來聽法者當穩處安置推爲上座供主  
如法供養不得遮止 化胡經云願採優曇

花願燒栴檀香供養千佛身稽首禮定光

又云佛生何以晚泥洹一何早不見釋迦文

心中常懊惱 靈寶消魔安志經云道以齋

為先勤行當作佛 新本並改云 故設大法橋

普度諸人物 老子大權菩薩經云老子是

迦葉菩薩化遊震旦 靈寶法輪經云葛仙

公生始數日有外國沙門見仙公禮拜抱持

而語仙公父母曰此兒是西方善思菩薩今

來漢地教化衆生當遊仙道白日昇天仙公

自語弟子云吾師姓波闍宗字維那訶西域

人也仙人請問衆聖難經云葛仙公告弟子

曰吾昔與釋道微竺法開張太鄭思遠等四

人同發願道徵法開二人願爲沙門張太鄭  
思遠願爲道士 仙公起居注云于時生在  
葛尚書家尚書年逾八十始有此一子時有  
沙門自稱天竺僧於市大買香市人恠問僧  
曰我昨夜夢見善思菩薩下生葛尚書家吾  
將此香浴之到生時僧至燒香右遶七匝禮  
拜恭敬沐浴而止仙公請問上經云與沙門  
道士言則志於道 上品大戒經校量功德  
品云施佛塔廟得千倍報布施沙門得百倍  
報 昇玄內教經云或復有人平常之時不  
肯作福見沙門道士說法勸善了無從意云云  
道士陶隱居禮佛文一卷

智慧本願本戒上品經曰施散佛僧中食塔  
寺一錢已上皆二万四千倍報功多報多世  
世賢明玩好不絕七祖皆得入無量佛國  
仙公請問經云復有凡人行是功德願為沙  
門道士太博至經云後生便為沙門大學佛法  
為衆法師復有一人見沙門道士齋靜讀經  
乃笑之曰彼向空吟經欲何希耶虛腹日中  
一食此罪人耳道士乃慈心喻之故執意不  
釋死入地獄考毒五苦 仙公請問經云高  
上老子曰善古之時人民純朴各懷道德虛  
心玄寂無為無事此風既散百競煙起万流  
分析姦巧牙改愚智相凌鬼神執威衆聖並

出製作教化唯令民修善自守是以有五經  
儒俗之業道佛各歎其教大歸善也 太上  
靈寶真一勸誡法輪妙經云吾歷觀諸天從  
無數劫來見道士百姓男子女人已得無上  
正真之道高仙真人自然十方佛皆受前世  
勤苦求道不可稱計 法輪妙經云道言夫  
轉輪不滅得還生人中大智慧明達者從無  
數劫來學已成真人高仙自然十方佛者莫  
不從行業所致也

右錄道經師敬佛文如前

按周書異記云周昭王即位二十四年甲寅  
歲四月八日江河泉池忽然泛漲井水並皆

溢出宮殿人舍山川大地咸悉震動其夜五色光氣入貫太微遍於西方盡作青紅色周昭王問太史蘇由曰是何祥也由對曰有大聖人生於西方故現此瑞昭王曰於天下何如由曰即時無他一千年外聲教被及此土昭王即遣鑿石記之埋在南郊天祠前當此之時佛初生王宮也穆王即位三十二年見西方數有光氣先聞蘇由所記知西方有聖人處世穆王不達其理恐非周道所宜即與相國呂侯入西會諸侯於塗山以禳光變當此之時佛久已處世至穆王五十二年壬申歲二月十五日平日暴風忽起發損人舍傷折

樹木山川大地皆悉震動午後天陰雲黑西方有白虹十二道南北通過連夜不滅穆王問太史扈多曰是何徵也對曰西方有大聖人滅度衰相現耳穆王大悅曰朕常懼於彼今已滅度朕復何憂當此之時佛入涅槃史錄曰吳太宰嚭問於孔子曰孰爲聖人乎

孔子曰西方之人有聖者焉不治而不亂不言而自信不化而自行蕩蕩乎民無能名焉

右錄孔書稱歎佛文如前

對曰書云見善如不及見惡如探湯然太上貴德其次立言德欲使人歸言欲使人信汝無德庇身出言損他輕侮大聖豈爲人乎但

孔老聖人尚自稱揚佛法今道士等敬讓僧尼汝既稟承孔老爲師何以違背師教誹毀聖尊符子曰老氏之師名釋迦文

子書牟子二卷盛論佛法 內典天地經曰

佛遣三聖化彼東土迦葉菩薩彼稱老子清淨法行經云佛遣三弟子振旦教化儒童菩

薩彼稱孔丘光淨菩薩彼云顏回摩訶迦葉彼稱老子

按前漢孝武帝元狩中霍去病

討匈奴至臯蘭過居延山獲昆耶休屠王等將其衆五萬來降獲其金人率長丈餘列之於甘泉宮漢帝以爲大福燒香禮拜及開西域遣張騫使大夏還云有身毒國身毒國一

名天竺始聞浮屠之教

魏書云漢武得金人  
不祭祀但燒香禮拜

而已得佛教  
流通之漸也

漢哀帝元壽元年使景憲往大月氏國因誦

浮屠經還漢當時稍行浮屠齋戒 至章帝

時楚王英喜為浮屠齋戒奏黃縑白紵三十

疋以贖愆詔報楚王尚浮屠之仁祠齋潔三

月與神為誓信也

桓帝時襄楷言佛隨黃老以諫主上欲今好

生惡殺少嗜欲尚無為

後漢書孝明帝永平三年上夢金人項有日

月光飛行殿前顧問羣臣通事舍人傅毅對

曰臣聞西域有神其名曰佛陛下所見得無

有牙

是乎帝遣郎中蔡愔博士弟子秦景等使於  
天竺而留其形像愔乃與沙門迦攝摩騰竺  
法蘭東還洛陽中國有沙門自此始也

後漢郊祀志曰佛者漢言覺將以覺悟羣生  
也統其教以修善慈心為主不殺生類專務  
清淨其精進者為沙門漢言息心剔髮去家絕  
情洗欲而歸於無為也又以人死精神不滅  
隨復受形所行善惡後生皆有報應所貴行  
善修道以練其精神練而不已以至無生而  
得為佛也身長丈六尺黃金色項中佩日月  
光變化無常無所不入故能化通万物而大  
濟群生也有經書數千卷以虛無為宗包羅

精麤無所不統善爲宏闊勝大之言所求在  
一體之內所明在視聽之外歸於玄微深遠  
難得而測故王公大人觀生死報應之際莫  
不悚然自失也 魏書云蔡愔得佛經四十  
二章及釋迦立像明帝令畫工畫寫像形置  
於清涼臺及顯節陵上經文緘於蘭臺石室  
愔之還也以白馬負經而至漢因立白馬寺  
於洛陽雍門西其經旨大抵言生生之類皆  
因行業而起有過去當今未來三世也其修  
道階次心行等非一皆緣淺以至深藉微以  
爲著率在於積仁順蠲嗜欲習虛靜而成通  
照也其始修心則依佛法僧受三歸也三歸

如君子之三畏又有五戒斷殺盜淫妄語飲  
酒大意與仁義禮智信同云奉持之則生人  
天勝處離鬼畜諸苦言善惡之處凡有六道  
在其防心正身口斷妄語摠謂之十善道也  
能具此者近獲天報遠得菩提四月八日夜  
從母右脇而生當周昭魯莊之世姿容超異

身

不牙言和

者三十二種大人之相天降嘉瑞以應之亦  
三十二佛既去世弟子等以香木焚身靈骨  
分碎大小如粟粒其色紅白擊之不壞焚之不  
焦每有光明神驗滅後百年有阿育王以神  
力分佛舍利役諸鬼神造八万四千寶塔今  
洛陽彭城扶風蜀郡姑咸臨淄等皆有塔焉

並有神異 漢法本內傳云明帝遣郎中蔡  
愔中郎將秦景博士王遵等十八人至天竺  
國得迦攝摩騰等將釋迦像是優填王第四  
師所造還明帝問摩騰曰法王出世何以化  
不及此摩騰對曰迦毗羅衛國者三千大千  
世界百億日月之中心三世諸佛皆從彼生  
不問天龍鬼神有願行力者皆生於彼受佛  
正化咸得悟道餘處衆生無緣感佛佛不往  
也佛雖不往光明及處或五百年或一千年  
或一千年外皆有聖人傳佛聲教而教化之  
漢法本內傳曰明帝永平十四年正月一日  
五岳諸山道士朝正之次牙相命曰至尊棄

我道法遠求胡教我等今日朝次各將太上  
天尊所制經書盡己之所能共上一表曰五  
岳十八山觀太山三洞弟子道士褚善信等  
六百九十人死罪上言臣聞太上無形無名  
無極無上虛無自然大道元首自從造化道  
教從生無爲之尊自然之父上古同遵百王  
不易今 陛下道邁羲皇德過堯舜光澤四  
海八表歸仁臣等竊承 陛下棄本逐末求  
教西域臣觀西域所事者既是胡神所說者  
不參華夏復請胡人令翻其語託同似漢臣  
等思忖 陛下雖翻得此語恐非大道如不  
依信願 陛下恕臣等罪聽與驗試臣等五

岳諸山道士多有聰明智慧博通經典從元  
皇已來太上經行悉能曉了太虛符呪並皆  
明達或有吞符餌氣或有策使鬼神或有入  
火不燒或有履水不溺或有白日昇天或有  
隱形於地至於方藥法術無有不能者願  
陛下許臣等得與比校一則聖上意安二則  
得辯真偽三則大道有歸四則不亂華俗臣  
等若比對不如任上重決若臣比對有勝乞  
除虛詐勅遣尚書令宋庠引入長樂宮曰此  
月十五日大集白馬寺南門外道士等共置  
三壇壇別開二十四門南岳道士褚善信等  
七十人將靈寶真文太上玉訣崆峒靈章昇

玄步虛太上左仙人請問自然五種諸天內  
音等經合一百三卷 華岳道士劉正念等  
七十人將智慧定志智慧上品戒仙人請問  
本行因緣明真科等六十二卷 恒岳道士  
桓文度等七十人將本業上品法科罪福明  
真科齋儀太上洞玄真文合八十卷 岳岳道  
士焦得心等七十人將諸天靈書度命九天  
神章太上太極太虛自然滅度五練生屍度  
自然券儀合八十五卷 嵩岳道士呂慧通  
等一百四人將太上安志上品三元品戒太  
極左仙公神仙本起內傳服御五牙立成朝  
夕朝禮儀合九十五卷 霍山天目山五臺

山白鹿山宮山合八山諸山觀道士祁文信  
等二百七十人將太極真人敷靈寶文太上  
洞玄靈寶天文五符經步虛文神仙藥法屍  
解品上天符錄勅禁合八十四卷都有四百  
六十九卷置之西壇茅成子許成子列子黃  
子老子莊子慧子合二十七家諸子經書摠  
有二百四十五卷置之中壇饌食奠祀百靈  
置之東壇明帝設七寶行殿在白馬寺南門  
外道西置佛舍利及經像十五日齋訖道士  
等即以柴荻和栴檀沉水香積遶西壇經教  
上啼泣啓告曰臣等上啓太上無極大道衆  
仙百靈今胡神亂夏人主信邪正教失蹤玄

風墜緒臣等敢以置經壇上以火取驗欲開  
曉未聞以辨真偽伏願無極玄老太帝三皇  
今謹依三五步剛之術燒經爲驗便放火燒  
經經從火化悉成灰燼道士等見火焚經心  
大驚怖先時昇天者不復能昇先時隱形者  
不復能隱先時入火者不復能入先善禁呪  
者呼策不應先有種種功能者無一可驗諸  
道士等大生慚愧尔時太傅張衍語褚信曰  
卿今所試無驗即是虛妄宜就西域真法褚  
信不荅南岳道士費叔才自感而死時佛舍  
利光明五色直上空中旋環如蓋遍覆大衆  
映蔽日輪摩騰法蘭先得阿羅漢果以慈善

力踊身高飛行卧空中神化自在還坐本處  
怡然而住于時天雨寶花在於佛殿及衆僧  
上又聞天中諸樂之音感動人情大衆歡悅  
歎未曾有法蘭法師即說偈言

狐非師子類

燈非日月明

池無巨海納

丘無嵩岳榮

法雲垂世界

善種得開萌

顯通希有法

處處化羣生

於時大衆圍遶蘭師數百餘重法師復出梵  
音歎佛功德亦令大衆稱揚三寶讚述善法  
或說人天地獄因緣或說小乘阿毗曇或說  
大乘摩訶衍或說懺悔滅罪或說出家功德  
時司空陽城侯劉善峻官人民庶及婦女等

發心出家四岳諸山道士呂慧通等六百二十人出家五品已上九十三人出家九品已上鎮遠將軍姜苟兒等一百七十五人出家京都治民張子尚等三百七十人出家明帝後宮陰夫人王婕妤等一百九十人出家京都治民婦女阿潘等一百二十一人出家十六日帝共大臣文武數百人與出家者剃髮日日設供夜夜燃燈作種種伎樂比至三十日法衣瓶鉢悉皆施訖即立十寺城外七寺城內三寺七寺安僧三寺安尼漢之佛法從此興焉

漢法本內傳凡有五卷

第一卷明帝得夢求法品

第二卷請法師立寺功德品

第三卷與諸道士比較度脫品

第四卷明帝大臣等稱揚品

第五卷廣通流布品

按玄通記云漢桓帝建和三年己丑之歲有

沙門安靜是安息國王之太子捨國出家意  
存遊化至洛陽譯出衆經

魏書云文帝黃初三年壬寅之歲有沙門曇  
摩迦羅至許都譯出戒律 漢侍中傅毅異

記云周昭王二十七年丁巳歲佛生耶吳書  
云吳主孫權赤烏四年辛酉之歲有沙門康

僧會是康居國大丞相之長子初達吳地營  
立茅茨設像行道吳人初見謂是妖異有司  
奏聞吳主問曰佛有何神驗也僧會荅曰佛  
晦靈迹出餘千載遺身舍利應現無方吳主  
曰若得舍利當為起塔經三七日遂獲舍利  
五色曜天剖之逾堅燒之不燃光明出火作

大蓮華照耀宮殿吳主歎異信心乃發因造  
建初寺度人出家吳主問尚書令都鄉侯闕  
澤曰漢明已來凡有幾年闕澤對曰從永平  
十年至今赤烏四年合一百七十年吳主曰  
佛教入漢既久何緣始至江東闕澤對曰永  
平十四年五岳道士與摩騰搆力之時道士

不如南岳褚善信費叔才等在會自感而死  
門徒弟子歸葬南岳不預出家無人流布後  
遭漢政凌遲兵戎不息經今多載始得興行  
吳主曰孔丘老子得與佛比對以不闕澤曰  
臣尋曾孔丘者英才誕秀聖德不羣世号素  
王制作經典訓弊周道教化來葉師儒之風  
澤潤今古亦有逸民如許成子呂成子原陽  
子老子莊子等百家子書皆修身自翫放暢  
山谷蹤太其心學歸淡泊事乖人倫長幼之  
節亦非安世化民之風至漢景帝以黃子老  
子義體尤深改子爲經始立道學勅令朝野  
悉諷誦焉若將孔老二家遠方佛法遠則遠

矣所以然者孔老設教法天制用不敢違天  
諸佛設教天法奉行不敢違佛以此言之實  
非對明矣吳主大喜用澤爲太子太傅

魏明帝曾欲壞宮西浮屠外國沙門乃金盤  
盛水置於殿前以舍利投水仍有五色光起  
帝加歎異乃於道東作周閭百間以爲精舍  
元魏太祖天興元年下詔曰夫佛法之興其  
來遠矣濟益之功冥及存沒神蹤遺軌信可  
依憑有勅於京邑建飾容範修整宮舍今信  
向之徒有所居止是歲始作五級佛臺耆闍  
崛山及須彌山殿加以飾績別構講堂禪室  
及沙門坐處莫不具焉檢史籍通儒並稱佛

法盡美也盡善也邪見何緣自招逆罪魏世  
祖即位亦遵太祖太宗之業每引高德沙門  
與共談論於四月八日輿諸佛像行於廣衢  
帝親御門樓散花禮敬沙門慧始甚有神異  
赫連昌破長安慧始身被白刃而體不傷五  
十餘年未嘗寢卧跣行泥塗初不汗足色逾  
鮮白世号之白足阿練時主敬重大興佛法  
死十餘年儼然不變 魏太武時崔皓爲司  
徒不信佛每與帝言恒加誹毀因蓋吳作亂  
關中皓便進說遂除佛法道士天師寢謙之  
苦與皓諍皓不肯從謙之謂曰卿從今年受  
戮滅門矣於後太武通身發瘡痛苦難忍羣

臣議云崔皓邪佞毀除佛法陛下所患必由於斯皓後果伏誅備加五刑豈非積不善之家必受餘殃然元魏君臨凡一十七帝一百七十九年唯七八年中佛法淪廢自餘光顯不可具陳興光元年於五級大寺太祖已下五帝鑄像五軀各長一丈六尺用金二十五千斤正光元年歲次庚子七月明帝加朝服大赦二十三日請僧尼道士女冠等在前殿設齋齋訖帝遣侍中劉騰宣勅請法師等與道士論議以釋弟子疑網尔時清通觀道士姜斌與融覺寺法師曇謨最對論帝問曰佛與老子同時以不姜斌對曰老子西入化胡

佛時以充侍者明是同時法師問曰何以得  
知姜斌曰按老子開天經是以得知法師問  
曰老子當周何王幾年而生周何王幾年西  
入姜斌曰當周定王即位三年乙卯之歲於  
楚國陳郡厲鄉曲仁里九月十四日夜子時  
生當周簡王即位四年丁丑之歲事周為守

身

石上言云

歲吏當周簡王即位十三年景戌之歲遷為  
太史當周敬王即位元年庚辰之歲年八十  
五見周德凌遲遂與散關令尹喜西入化胡  
此足明矣法師報云佛當周昭王二十四年  
四月八日生穆王五十二年二月十五日滅  
度計入涅槃經三百四十五年始到定王三

年老子方生生已年八十五至敬王元年凡  
經四百二十五年始與尹喜西遁此則年月  
懸殊不同無乃謬乎姜斌曰若佛生當周昭  
王之時出何文記法師對曰出周書異記并  
漢法本內傳並有明文斌曰孔子既是制法  
聖人當時於佛迥無文記法師對曰仁者識  
同管見闕覽不弔遠按孔子有三備卜經謂  
天地人佛之文言出在中備仁者善自披覽  
足得開曉也姜斌曰孔子聖人不言而知何  
假卜乎法師對曰唯佛是衆聖之王四生上  
首達一切衆生前後二際吉凶終始不假卜  
觀自餘聖人雖曉未然之理必藉著龜以通靈

卦也明帝即遣侍中尚書令元叉宣勅語道士云  
姜斌論無宗旨宜下席又問斌開天經何處得  
來是誰所說即遣中書侍郎魏收尚書郎祖  
瑩等就觀取經帝令群臣議定太尉丹陽王  
蕭綜太傅李寔衛尉卿許伯桃吏部尚書刑  
巒散騎常侍溫子昇等一百七十人讀訖奏  
云老子只著五千文更無言說臣等所議姜  
斌罪當惑衆帝時加斌極刑三歲法師菩提  
流支諫免死配徒馬邑太和元年於方山太  
祖營壘之處建思遠寺自興光之後京內及  
四方諸寺新舊有六千四百七十八所僧尼  
十萬七千二百五十八人又以鷹師曹爲報

德寺考魏有天下至於禪讓佛經通流大集  
 中國凡有四百一十五部合一千九百一十  
 九卷略計僧尼二百万人寺有三万餘所自  
 有佛法未之盛也時世隆平人民豐樂僧徒  
 甚衆曾無逆人泊永嘉南遷迄於陳世三百  
 許年像教東興法之盛也出好名德利益倍  
 多光讚時君頗有凶者

破邪論卷上

既

琳音林籌竿

上直流反

測昌側反

凝邈

上魚陵反

角反貞也

繩準

下音准

崖

魚皆反

窺傾

也反視窅冥

上煙曉反

經緯

謂下音

闡

昌演反

也

詎音巨也英猷音由也纓冕音冕也免大夫之冠音有

長該音該也古哀反雨音雨反博音博肅穆音穆也嚴音目音目則淹通音通邑上

清也發擿音擿也發下動也他的反若訥音訥言下遊也反操音操七音七到

也侔音侔也等音庾亮音亮力上於主反名賑乏音乏上音上軼音軼濟音濟貧二

也融音融和也余弓反肥遯音遯亦上作遁反嘉隱也迴拊音拊

潘音潘蔽虧音虧反必祭掩減音減也苦為五芝音芝瑞下音瑞草也之餌音餌

初志反辟荔音荔上帝反蒲閉音閉反草名危岑音岑小下助蔘音蔘反山

巨壑音壑下呼各反也遊踐音踐履下音履賤音賤傳弈音弈付亦音付史官二

名庸淺音淺凡上音凡容穿鑿音鑿昨下音昨蠅驥音驥下居音居異音異反謂良

而致於驥尾豐音豐禍許音許近反轍音轍車直音直列反操矛音矛反上音上持也刀

下音年碑誌音誌記下音記認也志箴誠音誠規上音規針系譜音譜計上音計反胡

繼音繼往補事也音事藤綆音綆上音上騰音騰索下音索加珪璋音璋圭章二音圭美号

琳師啓

肇

音召始也

金版

下音板籍也

玉笥

下相寺也

六衡

下

庚

勛華

上兄云反勛堯帝名華舜帝名

湛然

反澄宅也

減葱河

上

紅

友西

龕塔

上苦反

接踵

下繼之勇反

洽

反咸夾

也

隋褫

上音隨下直爾反崩墜也

駭馬

反上而弓

洽

反沾

協

和胡怙也

紉

反女九

膺

當於陵反

塾戶

百上直立反

日赫矣

反上許客

墻漸

反下七

憤

怒房粉反

懋

的奴

反傷塵黷

獨下音

論上卷

羲農

上興宜反古帝

軒頊

中軒轅反

顓頊

也帝湯

妣

下居之反殷湯也

澆薄

上堯反

擊壤

下

雨

反也堯後四代虞夏湯

狃命

上詞閏反

報讎

音下

酬 痾 音阿 墨 翟 反下 聶 的 耿 恭 上聲 耕字 上 儔 直

反 羽 翊 下音 州 吁 于反 兄 夏 桀 下 渠列 反 謚 累

日 一 般 紂 縱下 直 柳 反 謚 日 羿 善音 射 人 也 荆 山

也 音 鼎 昇音 頂 黃 帝 處 緱 氏 名 上 古 侯 反 縣 傅 毅 上

京 上 音 鼎 昇音 龍 之 處 緱 氏 名 上 古 侯 反 縣 傅 毅 上

反 漢 臣 名 既 夷 虜 夷 下 音 曾 蠻 苻 融 上 音 責 一 一

進 下 音 申 以 笏 拊 帶 也 禿 丁 上 謂 之 他 谷 反 辱 僧

今 之 仕 官 家 皆 曰 一 帶 也 禿 丁 上 謂 之 他 谷 反 辱 僧

哇 歌 淫 上 烏 瓜 反 撞 也 直 江 反 降 擊 貨 賄 反 下 呼 每

姪 祀 祭 下 音 似 也 稅 梁 粳 庚 良 二 音 稅 與 蠟 燭 上 亦

剥 削 下 上 必 角 反 開 闔 反 下 胡 塔 也 迤 否 倫 上 迤 字 知

美 反 灾 禍 黔 黎 首 上 巨 兼 反 黑 閱 覽 視 上 音 悅 庖 桑

犧 伏 上 義 帝 取 魚 養 牲 以 充 庖 廚 故 曰 一 也 謂 桑

梓下音子木名今故里謂之一 | 今

忻許斤反 | 喜反

反 黤黷讀上七敢反下音 | 黑闇白也

平壘軍下壁呂水反 | 烽燧則峯遂二音 | 原燎燒下力照反

下作為遠号 | 敬言音景 | 羽檄告下賢擊反 | 書牘也

導刁斗軍上音中夜擊以警策 | 莽草母朗也 | 聊音察 | 控而

告上苦 | 昊天道上胡反 | 骨悅反上息徐 | 行葦反下羽鬼

德及草木也 | 詩云敦九疇下直流反尚書有

彼行葦牛羊也 | 勿踐履九疇 | 一直流反尚書有

也 効傲也 | 反 蹈之盜上音 | 逼反彼力 | 无辜音上無字下

也 風範下音犯 | 握主於角反 | 錄圖力玉反 | 擗踊毗上

也 音亦反以手撫心也 | 下 姚姓音搖 | 昱音育 | 溢反夷 | 滿

也 抑音憶 | 挫則卧 | 反 聒反 | 駭胡買反 | 匿

屋力也反  
慙去乾  
謗讀亦下音讀  
鑑字軾閭音上

識入段于木之閭里故去車軌而敬之矣侯  
政却反魚柞反才句丹款誠下苦管反天挺頂下亭岐

政却反魚柞反才句丹款誠下苦管反天挺頂下亭岐

嶷幼上而渠移反識曰宜力反阿衡伊下庚反平也

德之百揆官下求癸反百塞羅上去荀卿旬反息

醺於樂也反赫肯盧赫肯並古之息徐反尊開闢

反下毗也益狂悖沒下蒲殞絕反上羽敏

又啓

媛膚夫下音矯誑反上居小滑稽不窮之二音辯捷

猾鵠鳴篤上胡遏截反上於葛分枿擊下先鵠石子上

全反鑿天祠下音詞白虹下音扈多史官名戶探

湯反上土取庇身反上必二輕侮輕下音武元狩音下

獸霍兄郭反宰上音高張下音去騫下音去憲音獻月

氏下音枝縑音兼紉惠官反襄下音息楷上音息苦買羊反

惜音陰剔反上宏反上闊反上大反上抵反上據反上然反上藉反上微反上

勵怖緘反上雍反上門反上大反上抵反上俗反上音反上底反上藉反上微反上

也反上才反上蠲反上右反上脇反上思反上忖反上姑反上戚反上餽反上氣反上

也反上臨反上淄反上地反上名反上褚反上士反上勅反上呂反上道反上思反上忖反上本反上七反上餽反上氣反上

上而志溺反上沉反上也反上玉反上訣反上音反上崆反上峒反上空反上同反上音反上

岱反上岳反上代反上音反上券反上儀反上願反上丘反上邗反上真反上祀反上音反上似反上二反上

柴反上荻反上徒反上的反上灰反上燼反上徐反上邗反上張反上衍反上音反上費反上未反上方反上

也反上姓反上掇反上環反上旋反上還反上映反上蔽反上下反上必反上祭反上反反上怡反上然反上上反上余反上嵩反上

岳反上峻反上私反上閨反上婕反上妤反上接反上余反上二反上音反上官反上妃反上之反上美反上房反上

也反上茅反上茨反上咨反上莫反上交反上屋反上也反上疾反上剖反上反反上疋反上口反上闕反上澤反上上反上苦反上掬反上

力

比上音角也

淡

泊

下音

靜也

拍

周

閭

下音

驢

軌

俱水

也

容

軌

犯下音

饒

績

對上

飾

字

下

也

跌

足

反上

先典

也

進

說

誘下音

稅

寂

謙

亦上

苦候

反

戮

殺音

六

西

遁

下

徒

困

反

謬

虛

也

闕

覽

反上

傾

彌

藉

著

龜

也

著

日

筮

龜

日

草

元

又

下

魚

祖

瑩

下

紆

也

著

日

筮

龜

日

草

元

又

下

魚

祖

瑩

下

紆

反

齋

郎

官

反

泊

其

器

反

迄

許

訖

反

定

反

人

名

反

泊

其

器

反

迄

許

訖

反

定

反

宋

